

UPRAVA DRUŠTVA

Broj: U.D-01-04-14753/23
Sarajevo, 14.09.2023. godine

Na osnovu člana 45. Statuta, člana 70. stav (3) Zakona o javnim nabavkama BiH ("Službeni glasnik BiH" broj: 39/14 i 59/22), člana 18., stav (3) Pravilnika o javnim nabavkama i preporuke Komisije za nabavku radova: sanacija i adaptacija objekta Pošte Stari Vitez, broj: 07.4-11-9-6280-22/23, od 13.09.2023. godine, Uprava Društva na 244. elektronskoj sjednici održanoj dana 14.09.2023.godine, d o n o s i:

**ODLUKU
O IZBORU NAJPOVOLJNIJEG PONUĐAČA****I**

Ovom Odlukom vrši se izbor najpovoljnijeg ponuđača, a to je ponuđač: „**GENERAL ENGINEERING**“ d.o.o. Sarajevo (predstavnik grupe ponuđača u kojoj učestvuju i članovi **General Construction d.o.o. Sarajevo** i **GraVit d.o.o. Vitez**) u postupku nabavke radova: sanacija i adaptacija objekta Pošte Stari Vitez sa ukupnom vrijednošću ugovora u iznosu od 51.251,00 KM bez PDV-a, odnosno sa ukupnom vrijednošću ugovora u iznosu od 59.963,67 KM sa PDV-om.

II

Izabrani ponuđač nije dužan dostaviti dokaze predviđene članom 45. do 51. Zakona o javnim nabavkama u formi i sadržaju kako je to zahtijevano u tenderskoj dokumentaciji obzirom da je uz ponudu i zahtijevane izjave istovremeno dostavio i tražene dokaze.

III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

O B R A Z L O Ž E N J E

Na osnovu Odluke o pokretanju postupka javne nabavke radova: sanacija i adaptacija objekta Pošte Stari Vitez, broj: U.D-01-04-7869/23, od 09.05.2023. godine i Rješenja Generalnog direktora o formiranju Komisije za nabavku, broj: 01-11-9-6280-7/23, od 12.05.2023. godine, Komisija je provela postupak javne nabavke, putem otvorenog postupka nabavke, broj tenderske dokumentacije: 07.4-11-9-6280-15/23 (sa objavljivanjem Obavještenja o nabavci, broj: 238-1-3-212-3-121/23)

Javno otvaranje ponuda u postupku predmetne nabavke održano je, dana 10.07.2023. godine u 12 sati i 15 min, na trećem spratu Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen Zapisnik o otvaranju ponuda, broj: 07.4-11-9-6280-20/23, od 10.07.2023. godine.

Prije samog otvaranja Komsija je konstatovala da su u skladu sa Izvještajem o preuzimanju tenderskih dokumentacija, sa Portala javnih nabavki preuzeto 15 (petnaest) tenderskih dokumentacija. Takođe je konstatovala da su ponuđači čije su ponude pristigle blagovremeno, do roka naznačenog za otvaranje ponuda, preuzeli tenderske dokumentacije sa Portala javnih



GENERALNA DIREKCIJA

nabavki, a sve u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-nabavke“.

Komisija je prije samog otvaranja ponuda konstatovala sljedeće:

- da je tenderska dokumentacija učinjena dostupnom na Portalu JN;
- da su do roka za dostavljanje ponuda pristigle ukupno 3 (tri) blagovremene ponude;
- da su koverta neoštećene, uredno zapakovane i zapečaćene
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije.

Prisutnom licu ispred ponuđača „GENERAL ENGENERING“ d.o.o. Sarajevo, kopija zapisnika uručena je lično, a ostalim ponuđačima, kopija Zapisnika dostavljena je putem mail-a isti dan (o čemu ugovorni organ ima potvrdu o uručenju).

Na Protokol Društva do roka određenog za prijem ponuda (10.07.2023. godine do 12,00 sati), pristigle su ponude slijedećih ponuđača:

1. „TEHNO-PROMET“ d.o.o. Zenica
2. „SIGMA-SK“ d.o.o. Zenica
3. „GENERAL ENGINEERING“ d.o.o. Sarajevo
(predstavnik grupe ponuđača)

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te je konstatovala slijedeće:

1. da ponuda ponuđača „**TEHNO-PROMET**“ **Zenica** d.o.o. Zenica u iznosu od 51.276,00 KM bez PDV-a, ne zadovoljava uslove propisane tenderskom dokumentacijom. Naime, analizom dostavljane ponude ustanovljeno je da Obrazac za cijenu ponude, broj: 420/23, od 04.07.2023. godine sadrži greške računске prirode.

Komisija je prema metodologiji člana 17. Uputstva za pripremu modela tenderske dokumentacije stav (3) i (5) uputila dopis i ispravno popunjen Obrazac za cijenu ponude dana 05.09.2023. godine, te je ponuđaču ostavljen rok od 3 (tri) dana od dana prijema za dostavljanje, potpisanog i ovjerenog ispravno popunjenog obrasca za cijenu ponude. Dopis je primljen od strane ponuđača dana 06.09.2023. godine na koji gore navedeni ponuđač nije odgovorio i u predviđenom roku dostavio ispravno popunjen Obrazac za cijenu ponude, te je u skladu sa čl.2 ZJN, ponuda ocjenjena kao **neppravilna**.

2. da ponuda ponuđača „**SIGMA-SK**“ **d.o.o. Zenica**, sa ukupnom vrijednosti ponude u iznosu od 51.135,00 KM bez PDV-a, ne ispunjava uslove date u tenderskoj dokumentaciji, preciznije u Obrascu za cijenu ponude, broj: 02-07/23, od 10.07.2023. godine (kolona III RASVJETNA TIJELA SVJETILJKE) podtačka III 1.4.1.Demontaža postojećih rasvjetnih tijela, količina –paušal, kolone jedinična cijena bez PDV-a i ukupan iznos bez PDV-a nisu uopšte upisane. Kako je u samom Obrascu za cijenu ponude, koji čini sastavni dio tenderske dokumentacije i koju je potpisalo ovlašteno lice ponuđača navedeno jasno „5. Ponuđač je obavezan popuniti sve prazne kolone u Aneksu 3“, to se ponuda ponuđača „SIGMA-SK“ d.o.o. Zenica, smatra **neprihvativom**.
3. da ponuda ponuđača „**GENERAL ENGINEERING**“ **d.o.o.Sarajevo (predstavnik grupe ponuđača u kojoj učestvuju i članovi General Construction d.o.o. Sarajevo i GraVit d.o.o. Vitez)** u iznosu od 51.251,00 KM bez PDV-a, ispunjava sve pravne, ekonomske



i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički **prihvatljiva**.

GENERALNA DIREKCIJA

Obzirom da je ponuda samo jednog ponuđača u postupku javne nabavke prihvatljiva, to nisu ispunjeni uslovi za provođenje e-aukcije na Portalu javnih nabavki u skladu sa Pravilnikom o uslovima i načinom korištenja e-aukcije ("Službeni glasnik BiH" broj: 66/16).

U slučaju prijema jedne prihvatljive ponude e-aukcija se ne može zakazati, već se postupak okončava u skladu sa članom 69. Zakona.

Obzirom da ponuda ponuđača „**GENERAL ENGINEERING**“ d.o.o.Sarajevo (predstavnik grupe ponuđača u kojoj učestvuju i članovi **General Construction d.o.o. Sarajevo** i **GraVit d.o.o. Vitez**), u ukupnom iznosu od 51.251,00 KM, bez uračunatog PDV-a, u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove, odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno, donesena je Odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku otvorenog postupka nabavke prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 10 (deset) dana po prijemu odluke o izboru shodno članu 99. i članu 101. Zakona o javnim nabavkama.



GENERALNI DIREKTOR
[Signature]
dr.scj. Mirsad Mujić

Dostaviti:

- Naslovu
- Nosiocu posla (Centru pošta Travnik)
- Sektoru za ekonomsko finansijske poslove
- Marketingu (za objavu)
- Odjeljenju za javne nabavke
- Ponuđačima putem Komisije
- Arhivi U.D.
- a/a

